



李相國集一

16
2348
1

卷一



和
2848
卷/一八

東國李相國文集序



公姓李諱奎報字春卿始名仁氏夢奎星報異
瑞曰改之九歲能屬文時號竒童稍長經史百
家佛書道秩無不遍閱一覽輒記為詩文略不
蹈古人畦徑以詩捷稱王公大人聞其能邀致
之請賦難狀之物令每句唱強韻若古著律走
筆立成風檣陣馬不足况其速也方未冠時有
吳先生世才者世所謂名儒平生小許可人一
見竒之許以忘年人或非之曰先生長於李三
十餘年矣何媒此頑孺子使之驕耶先生曰非

李相國集
甫輩所知也此子非常人後必遠到矣少放曠
自號為白雲居士酣飲賦詩為事人不以經濟
待之無何名振海外獨步三韓翺翔玉堂出入
鳳池王言帝誥高文大冊皆出一手不十年位
至台鼎則吳之知人信矣何一吳先生知公遠
到而衆莫之知也當公之擁金紫立朝端珠瞳
雪鬢輝映人物左右皆指之曰人中龍其奇資
偉望不類於常者如此自作相未屹立為正直
大臣人無間言者然則公之初不自檢束特謹
浪翫世耳晚年嗜讀洗心經窮大衍之數古之

人云通天地曰儒公之謂歟於丁酉歲固乞退
以金紫光祿大夫守大保門下侍郎平章事修
又殿大學士監修國史判禮部翰林院事太子
大保致仕雖家居外國交聘徵誥文字皆委之
以是眷遇不衰每受俸多小與現官宰輔相等
其平生所著不蓄一紙嗣子監察御史涵收拾
萬分之一得古賦古律詩牋表碑銘雜文并著
千首請為文集公可其請分為四十一卷號曰
東國李相國文集涵又請曰集已成矣不可無
序於是公乃命予予固不才亦諸子之伍莫敢

以冠首為讓公命益勤姑序一二辛丑八月日
入內侍朝散大夫尚書禮部侍郎直寶文閣太
子文學李需序

東國李相國文集年譜序

嗣子涵既撰家公前後文集曰據公之手草家
狀又成年譜涵觀古人文集年譜各於年中備
詳所著本末端由以相參考大抵古人詩集未
必皆著所述年月矣未知據何本而載之之詳
耶今家公文集其不標年月者亦多故不得各
隨年載一一標之但存十之一二耳然公之著
作雖一年一月寧有所闕者耶

戊子

公生於是年十二月十六日癸卯諱奎報

字春卿黃驪縣人也考諱允綏官至戶部
郎中母金氏金壤郡人考諱仲權後改施
政中古名儒也擢高第官至蔚珍縣尉公
始生三月惡瘡滿身衆藥不理嚴君憤之
詣松岳祠字擲筮卜生死曰生問藥理與
否曰勿藥理自是不復傳藥皮皆爛未辨
面目乳嫗常以白麵鋪兩臂然後抱持之
一日乳嫗抱出門外有一老父過曰此兒
千金之子何棄之如此宜善護養乳嫗走
白嚴君君疑其神人使人追之以路有二

歧遣三人追之皆不見而還始諱仁底已
酉歲將赴司馬試夢有人賴村毗皆着緇
布衣羣飲堂上者旁人曰此二十八宿也
公驚悚再拜問今年試席捷否有一人指
一人曰彼奎星乃知之公即就問未及聞
其言而寤恨未終其夢俄復夢其人來報
曰子必占狀元勿慮也此天機但莫洩耳
曰改今名赴試果中第一

已丑

庚寅

辛卯

是年嚴君出倅成州隨之任

壬辰

大定十二年

癸巳

大定十三年

甲午

大定十四年

是年嚴君以內侍被召隨至京師

乙未

大定十五年

丙申

大定十六年

丁酉

大定十七年

戊戌

大定十八年

公年十一

是年叔父直門下省李富誇於省即曰吾猶予年可若干能屬文召試之可乎諸郎欣然使迎之命為聯句時方受外郡貢紙以紙字占之公應聲唱曰紙路長行毛學士諸郎手書之又令為對即曰盃心常在麴先生即皆嘆伏號奇童慰勉遣之

己亥

大定十九年

庚子

大定二十年

辛丑

大定二十一年

公年十四

是年始籍文憲公徒誠明齋肄業每夏課

先達輩會諸生刻燭占韻賦詩名曰急作
公連中榜頭諸儒始奇之

壬寅

大定二年

公年十五

是年六月又於夏課急作適有齋中拜翰
林者以內直玉堂為題占韻公詩曰獨直
偏知殿閣涼金蓮花燭焰華堂露凝仙掌
驚秋冷月透紗窓信夜長七寶床前宮漏
永九華帳裡御爐香詞頭草罷銀河曙喜
見高天瑞日光先達咸淳等皆嘆賞不已
升為第一一等唯置公示其異也此詩少時所作

癸卯

大定三年

公年十六

春嚴君出守水州公留赴司馬試不捷秋
之水州觀省

甲辰

大定四年

公年十七

春自水州至遂赴司馬試不捷秋還

乙巳

大定五年

公年十八

丙午

大定六年

公年十九

春嚴君見代隨至京師

丁未

大定七年

公年二十

不載

是年春又赴司馬試不捷公自四五年來
使酒放曠不自檢唯以風月為事略不習
科舉之文故連赴試不中

戊申

大定二年

公年二十一

己酉

大定二年

公年二十二

是年春舉司馬試中第一以十韻詩賦之
其題先王制軒冕著貴賤不求美公破題
云太古無軒冕誰分貴賤流制之然後著
美也不曾求又一句去始造聞黃帝徒行
豈孔丘座主柳公嗟賞不已遂擢第一

庚戌

大定三年

公年二十三

六月赴禮部試擢第同進士公嫌其科劣
欲辭之以嚴君切責且無舊例不得辭曰
大醉謂賀客等曰予科第雖下豈不是三
四度陶鑄門生者乎坐客掩口竊笑公既
不事科舉之文其作賦荒蕪不合格律又
試園內奉命承宣朴純與座主受宣醞次
召公飲以一觥即大醉亂書欲裂棄之傷
座孫得之奪而呈之其詩題戴君若鰲冠
靈山公詩第四句云壯似支三聳憂无鈞

六逸第五句云奉天呈屹屹負岳出滔滔
知貢舉李諱知命愛此句遂不擯之

辛亥

大金正
昌二年

公年二十四

秋八月丁父憂寓居天磨山自稱白雲居士作天磨山詩失之不錄前集後追覓之載後集初卷首句云世人但取山崔巍乃以天磨而號之者是也後常遊此山作詩若北山雜題重遊北山者是也

壬子

明昌
三年

公年二十五

是年著白雲居士語錄及傳自叙已之行止

癸丑

明昌
四年

公年二十六

是年作百韻詩呈張侍郎自牧張公厚遇每謁常置酒與飲四月得舊三國史見東明王事奇之作古詩以紀其異

甲寅

明昌
五年

公年二十七

是年作論潮水書呈吳東閣世文作天寶詠史詩四十三首皆挾注又作理小園記

乙卯

明昌
六年

公年二十八

是年著和吳東閣三百韻詩

丙辰

明昌
七年

公年二十九

四月京師亂姊夫南流黃驪五月公携姊
氏往焉是年春母家後壻出守尚州六月
自黃驪赴尚州覲省得寒熱病數月不愈
至十月方還詩集中有南遊詩無慮九十
餘首是黃驪尚州所著也

丁巳

永安二年

公年三十

冬十二月日冢宰趙永仁任相國潘崔相
國詵崔相國讜聯名上劄子薦公請補外
寄以備將來文翰之任上遂允可掌奏承
宣某以嘗有微憾至是奪劄子不付天曹

佯稱忽失冢宰亦以劄子不付為解便不
調之詩集有上趙令公詩云昔見銀盃嘗
羽化今聞劄子忽登仙士林莫不嘆之又
作上趙大尉書追詠其由

戊午

永安三年

公年三十一

己未

永安四年

公年三十二

五月知奏事相公宅後為晉康公千葉榴花盛
開召賓客賞之曰致詩人李仁老咸淳李
湛之及公賦之後一日偶謂左右曰聞文
儒四相國薦某不遂又有奪劄子者曰曰

文人相嫉如此於是始有用公之意夏六月頒政補全州牧司錄兼掌書記秋九月赴全州是年所著无慮古律十五六首

庚申

承安五年

公年三十三

是年所著无慮三十餘首冬十二月被廢散全州初公之理州也通判即將某貪且偃肆公不屈曰公事屢激怒之通判不勝其憤又欲自專遂搆貝錦之詞行次廣州適值守歲妻兄晉公度為書記迎到其居守歲贈詩一首其首句云偶霑微祿官江

南是已

辛酉

承安六年

公年三十四

春正月至自廣州夏四月之竹州迎母至京師先是姊婿自黃驪補竹州監務姊與母之其任居焉是年四月母永還京師公迎待而至有遊竹州萬善寺詩是也五月作四輪亭記六月作南行記及自竹州歸母赴長安詩是也

壬戌

泰和二年

公年三十五

夏五月丁母憂冬十二月東京叛與雲門

山賊黨舉兵朝廷出三軍征之軍幕逼散
官及第等充修製負磨三人皆以計避不
就至公慨然曰予雖懦怯亦國民也避國
難非夫也遂從軍於是幕府欣然奏為兵
馬錄事兼修製蓋暢其情也是月行次清
州作幕中七懷古詩十八韻呈同營諸公
又次尚州作觀金上人草書古詩十五韻
公在東京軍幕三月作上都統副使書論
葬戰亡人事作古律詩九慮十餘首

癸亥

秦和三年

公年三十六

甲子

秦和四年

公年三十七

三月兵馬凱還公隨至京師詩集有獵罷
論功誰第一至今不記指縱人軍士多受
賞公獨未介故不能无情有是作

乙丑

秦和五年

公年三十八

是年作上崔相國誥書求官

丙寅

秦和六年

公年三十九

丁卯

秦和七年

公年四十

冬十二月權補直翰林院公既陸沉杜門
不出然每歲史館翰院國學等儒官薦人

常以公為首又左右多有揄揚者晉康侯
重違衆志有用之之意嫌其無目時方構
茅亭命李仁老李元老李允甫及公作記
仍使儒官宰相四者科公為第一獨上板
釘壁至十二月補是官作初入翰林詩二
首又作止止軒記

戊辰

奉和八年

公年四十一

夏六月翰林除權即真

己巳

奉和九年

公年四十二

庚午

大安二年

公年四十三

辛未

大安三年

公年四十四

壬申

大安四年

公年四十五

正月除千牛衛錄事參軍事六月有翰林
兼官闕負不待頒政除兼直翰林院仍本
官作再入玉堂詩二首

癸酉

崇慶二年

公年四十六

十二月晉康侯嗣子相國大設夜宴名搢紳
貴介赴座公獨以八品微官蒙名預焉及
夜半相國謂曰聞君走筆未之見也今日
試之何如巨使李仁老唱韻多至四十餘

韻以燭為題命名岐研墨及成相國大嗟
賞不已明日將其詩詣府白於侯請名試
其能侯初不肯之再三白之然後名之及
到相國曰此子不飲則不得如意即命捷
步者往其宅取酒來未及到侯已置酒觴
之相國又曰此子醒醉得中然後可也乃
計盞飲之至醺乃率詣侯前侯前有筆匣
筆有十餘事相國親擇善者授之時庭中
有孔雀遊戲侯以其雀為題使琴相國唱
韻多至四十餘韻筆不容一瞬侯嘆息至

垂涕及欲退侯曰子若望官即言所志公
曰吾今八品除七品則是矣相國屢目之
意欲令直望叅官其日相國還第召讓曰
子之望官何劣也何不以叅官為望耶公
曰子志也及十二月領政越七品除司宰丞

甲戌

貞祐
二年

公年四十七

乙亥

貞祐
三年

公年四十八

夏六月公作詩求叅職階梯晉康侯將其
詩出示其府典籤宋恂曰此子志高者也
應不以階梯為望權屈而言之耳若奏上

直除叅官則想其志謂何也恂曰然則其
喜不可言亦衆望也及下批為右正言知
制誥七月作初拜正言詩十月作朝享大
廟頌

丙子

貞祐四年

公年四十九

丁丑

貞祐五年

公年五十

春二月除右司諫知制誥賜紫金魚袋是
年秋以公事停公作上晉康侯書

戊寅

貞祐六年

公年五十一

春正月遷左司諫餘如故

己卯

貞祐七年

公年五十二

春公被劾免官前年十二月日外方八關
賀表有不及進呈者公欲彈之琴相國固
止之至是月晉康侯考其由即劾相國及
公相國見原而公獨免官四月出為桂陽
都護府副使兵馬鈐轄五月赴桂陽

庚辰

貞祐八年

公年五十三

夏六月以試禮部郎中起居注知制誥見
召七月至自桂陽前年九月晉康公薨嗣
子相國代秉政權故有是命十二月遷試太

僕少卿仍起居注作謝表

辛巳

貞祐九年

公年五十四

夏六月除寶文閣待制知制誥作讓謝表

壬午

貞祐十年

公年五十五

夏六月太僕少卿即真

癸未

貞祐十一年

公年五十六

冬十二月除朝散大夫試將作監仍待制

甲申

公年五十七

夏六月將作監即真冬十二月為明年司

馬試座主作讓謝表十二月拜朝議大夫

試國子祭酒翰林侍講學士仍知制誥作讓謝表

乙酉

公年五十八

春二月闕司馬試詩賦得李惟信等一十

六人十音詩得安謙一等五十人明經得

康得希等三人奏御放牘冬十二月拜左

諫議大夫餘仍舊作讓謝表是年作玉輪

寺文六靈驗記又受勅作太倉泥庫稟文

丙戌

公年五十九

冬十二月祭酒即真

丁亥

公年六十

戊子

公年六十一

春正月除中散大夫判衛尉事餘仍夏五月以同知貢舉閱春場得李敦等三十一人明經得鞠受圭等四人奏御放榜

己丑

公年六十二

庚寅

公年六十三

冬十一月二十一日長流于狷島是年八關會待宴次事有戾於舊例者是樞密車公所使也知御史臺事王猷怒叱執事者

不從車公誤以王猷訶宰相愬之時公及宋左丞恂夾座故疑其助揚之皆流于遠島是日出宿青郊驛十二月至保安縣留待順風二十六日入狷島

辛卯

公年六十四

春正月十五日量移桑梓黃驪縣二十二日行次竹州寓宿萬善寺公曾於辛酉歲客遊此寺和板二諸公詩落白去好在青山色休官欲重尋今落職重來是幾於詩識也復和二首去秋七月自黃驪至京師

九月仍備兵以白衣守保定門詩集有
猶勝炎州嵐瘴地折腰甘向海村民是也
公在散官凡達旦通和書表文牒皆委之

壬辰

公年六十五

歲己丑王師薨至是年門人等聞于上命
公作碑銘夏四月復舊除拜正議大夫判
祕書省事實文閣學士慶成府右詹事知
制誥六月移都公於此京未構屋借河陰
客舍西廊居之作詩二首秋九月為留守
中軍知兵馬事

癸巳

公年六十六

夏六月拜銀青光祿大夫樞密院副使左
散騎常侍翰林學士承旨嗣子涵為直翰
林院故以親嫌改為寶文閣學士八月直
樞院作詩四首寄內省金相國仁鏡冬十
二月拜金紫光祿大夫知門下省事戶部
尚書集賢殿大學士判禮部事又作讓謝表

甲午

公年六十七

夏五月以春場知貢舉閱試得金諫成等
三十一人明經得李邦秀等二人放榜冬

十二月拜政堂文學監修國史受勅作松
廣社主法真覺國師碑銘

乙未

公年六十八

春正月拜太子少傅冬十二月拜叅知政
事修文殿大學士判戶部事太子大保

丙申

公年六十九

夏五月以知貢舉閱春場得朴曦等二十
九人明經李克松等三人放牒冬十二月
上表乞退上留其表於內遣內侍金永韶
敦諭令復起公稱病篤晉陽侯亦以戶籍

縮歲為辭勉留之公不得已至十一月初
視事然惶恐不自安屢作詩見其意公殊
不以縮歲為幸以實陳之乞退固切然猶
不得謝常有詩云有面不敢搥慚愧已不
少是也十二月拜守大尉

丁酉

公年七十

秋七月奉勅作東宮妃主謚哀冊公又上
表乞退甚懇冬十二月以金紫光祿大夫
守大保門下侍郎平章事修文殿大學士
監修國史判禮部事翰林院事太子大保

李相國集

致仕是年又承勅作大藏經刻板君臣祈
告文

戊戌

公年七十一

冬十二月承勅作上蒙古皇帝表狀及送
晉卿唐古官人書

己亥

公年七十二

承勅作蒙古皇帝上表狀冬十二月又作
同前表狀及送晉卿書

庚子

公年七十三

辛丑

公年七十四

公雖解位家居於國朝有高文大冊及異
朝往來書表等事無所不為秋七月寢疾
晉陽公聞之遣名醫等問診不絕乃取公
平生所著前後文集凡五十三卷募工雕
印其督役甚急欲及公之眼見以慰其情
也然以役巨未能告畢越九月初二日忽
離常寢向西而卧以右脇著於席至夜備
然而化上聞訃震悼命有司定喪事又令
通臣作誄書以美終仍贈謚曰文順公十
二月初六日庚寅葬于鎮江山東麓公於

李相國集

平生不營產業常以詩酒自娛雖在蟻床
猶不絕於諷詠又嗜讀楞嚴至背經輒誦
及臨大期屏妻息等勿令喧擾自然拋世
可謂豁達真人君子也歟噫涵時出守於
洪州未及見其終也其平生傷悼曷可容
言

東國李相國年譜

東國李相國全集卷第一

古賦六首

古律詩三十六首

畏賦

有獨觀處士杜門端居常若有畏顧形而畏顧
影而畏舉手動足無一不畏冲默先生造焉問
其所以處士曰堪輿之內物孰無畏戴角挿牙
翼被足趨蠕蠕蠢蠢厥種繁熾慳生畜命各讐
非類鳥畏鷹於天魚畏獺於水兔畏獹狼畏兕
鹿脅于猛蛇懼于豕猛莫猛于虎豹遇後視而
奔避何茲類之孔多兮羌難覩縷而備記物固



然矣人亦有焉莫尊者君猶畏上天祇栗齋肅
夙夜以虔惟君惟臣若堂陛然由陛及地窠崇
亦懸卑者畏高後者畏先揆尺計寸莫不畏旃
胡世路之嶮巖方紛理緒之倒顛冠首履方在
底甄先鼎方居前甄音五跛驢蹠蹕方將白蟻
共軛孽麋瞠眙方與子都同筵下慢而凌上佞
近而踈賢鑽皮之謗日熾射影之毒遐殪矧子
瑣屑之微質方趾有衆之攸衷彼巧我拙我一
彼千踏地生梗皆成畏途苟縱驅而不懼方殆
十步而九擠懍手懼乎能不畏乎吾將介立高

蹈背耦離徒遊乎壙垠之墟子以為何如冲默
先生傲然憑几而笑曰僕則異於是上天之威
吾不畏矣萬乘之貢吾不畏矣暴客攘臂吾不
畏矣猛虜切齒吾不畏矣言亦既處士愕然起
曰過矣子之不自揆也何談之容易哉於皇上
帝降監善惡設或震怒雷霆暴作烈風間之飛
沙走石盲海聾山激溥忽霍電刃所掣遺光燿
爍劃若天裂割似地抃擊六丁以增威雖周成
猶怖魄皆失也以罔圖孰倚柱而自若是上天
之威赫赫也子言無畏何也先生曰守正不欺

則天不吾威吾何畏于茲處士曰金床晃晃幄
座密勿嚴更巡于徽道羽林列於雙闕參旗并
鉞出警入蹕左憲臺兮凜鐵冠右執法兮秉丹
筆肅肅詔詔百辟咸秩於是振雪霜於威怒馳
風雷於咄叱一有不恪族赤禍溢是天子之威
栗栗也子亦無畏耶先生曰夫君尊臣卑勢若
冠屨居下事上趨蹌中矩望則跽脚拜則頓首
聞命益僂當高善守若此則君何威為臣何畏
有處士曰善夫賁育之輩怒而狼顧一噉一啗
風激雲驚白日刺人血沈市路餘威未泐飛揚

跋扈目欲裂兮星迸髮直衝兮棘豎足踏廟兮
截皮手拉熊兮裂股小項莊之劍舞卑蘭生之
睨柱此刺客之強暴也子亦無畏耶先生曰嚙
面待乾出騰後就虛心而行乎世我不彼忤彼
何自怒哉此亦無足畏也處士曰乳廟出穴擇
肉舐血淬牙磨爪其聲鎗齧一嘯兮風生一矚
兮電瞥不翼而飛萬星一輟雖馮婦之善搏亦
神喪而氣奪此猛虜之咆勃也子其何如先生
曰有挾有設此不足愕也處士曰然則子之所
畏果何物乎有乎無乎先生曰僕亦安得而無

乎僕之所畏不在諸物特關於已俯領戴鼻中
齟外哆一闔一闔維門之似物入由是聲出由
是誠不可不有而亦不可不畏之地也銘可鑑
芳金緘口詩可觀兮垣屬耳一語一默榮辱所
自食其以之而烹任被以之而死攔衡以之而
敗身灌夫以之而棄市是以聖人不畏於人唯
畏於口苟慎其口於行世乎何有今處士騁舌
吐辭鋒攢屑霏談世路之險易議人間之是非
誠辯則辯矣奇而又奇然口能覆身言出禍隨
子以此求免於時亦猶擊鼓而求亡者也其何

益於迅馳哉僕竊笑處士聲其畏而實無有也
惡其禍而祇自招之處士聞之避席逡巡聳然
作貌曰小子不肖今聞先生之教曉然若披盲
而見大曜也

夢悲賦

有美王孫蟬聯茂族邈風流之可愛芳顏又澤
腴方如玉出擁高蓋入處華屋舞如意兮碎珊
瑚曾何帶芳心曲後房蛾眉簪翠曳縠爛盈盈
芳更待琤然珠佩之相觸目倦乎華靡耳慣乎
絲竹冬而至於涼不知其凝嚴夏而至於溫不

知其暑溽又安知人生有羈窮困躓憂愁哀怨
之屬哉當春陽之既舒兮感芳華之蕩意名賓
友於華堂兮玉為簪兮珠為履酌芳醕兮行金
鍾莫不濡首而露醉焚綠桂兮繼頽光尚歡樂
之未已倏春宵之易闌兮落月窺窓兮嫵媚忽
體倦以神疲遂頽然兮就寐博山熏兮噴香炷
斗帳垂兮掩綺被赤羽奮迅登扶桑兮尚雷鳴
而酣睡於是恍然惚然夢遊乎廣漠之墟無人
之地四顧茫茫不見阡里深江自波灌木叢倚
野草少色危石如墜日掩掩兮沉紅烟冥冥兮

疊翠猿哀哭兮相吊衆鳥啾啾兮不止慘然思
家欲亟還兮迷不知路何自念嬪御兮安在
掩翠衫而拭淚登崇阿以延佇兮鬱千峯之邏
迤披蒙茸兮尋崎嶇慮鬢鬢之攸庇獲奔還以
陟隴兮墳纍纍兮錯峙上有蹲狐與伏兔兮紛
侶集兮族戲拂頽碑以俯窺兮伊昔綺紈之公
子歌堂舞館屬何人兮為此一丘兮山之趾富
貴兮如浮瓊華兮易悴吊斯人以彷徨兮益淒
切以酸鼻足累滿兮無攸歸飢與渴兮交至俄
欠伸以忽寤兮喜窓攏之猶是顧尚卧於一床

夫何為此遐遊以頑吏之一夢悟榮辱之相酬
王孫芳可以銘肌永不忘負賤羈離者之憂

放蟬賦

彼黠者蛛厥類繁滋孰賦爾以機巧養九腹於
網絲有蟬見絀其聲最悲我不忍聞放之使飛
傍有人兮誰氏子仍詰予以致辭惟茲二物等
蟲之微蛛於子何損蟬於子何裨惟蟬之活乃
蛛之飢此雖德君彼必寃之孰謂子智胡放此
為予初贖額而不答俄吐一言以釋疑蛛之性
貪蟬之質清規飽之意難盈吸露之腸何營以

貪污而逼清所不忍於吾情何吐緒之至纖雖
離婁猶不容睛矧茲蟲之不慧豈覘視之能精
將飛過而忽冒翅拍拍以愈嬰彼營營之青蠅
紛逐臭而慕腥蝶貪芳以輕狂隨風上下而不
停雖見罹而何尤原厥咎本乎有求汝獨與物
而無競胡為遭此拘囚解爾之纏縛囑汝以綢
繆迥喬林而好去擇美蔭之清幽移不可屢兮
有此網蟲之窺窬居不可久兮蟪蛄在後以爾
謀慎爾去就然後無尤

祖江賦

并序

貞祐七年四月予自左補闕被劾尋除桂
陽守將渡祖江江水本迅激適值暴風困
而後濟為賦以悲之卒以自寬

浩浩江流燭如涇水凜色而泓變難俯視湍又
激而迅兮豈瞿塘之足譬控百川之奔會兮若
鼎湯之驚沸蛟鱗呀呀以流涎又安測毒龍之
潛伏以伺沚灘欲徑進兮船如行而尚止不夕
而墮不風而波雪浪礪石以崩騰兮若秦晉戰
于彭衙篙工狎翫靈胥兮猶畏夫洄洑與盤渦
顧區區一瞥之所如豈以其澎濞鬱怒兮成此

邈遐予既被謫遭此險流孤舟不以出沒兮其
將安適兮去悠悠望平臯兮草暗朔極浦兮烟
愁鳥鳴軋軋猿哭啾啾落日兮掩掩黃雲兮浮
浮雖五馬之足榮兮亮非吾之攸期嗟此遐征
古豈無之孟三宿而出晝兮丘去魯兮遲遲賈
誼洛陽之才子兮謫長沙之濕卑聖賢尚爾予
復何悲較昔人之未遇兮吾又專城兮斗仰壘
壘鵠山隱翳兮漸遠望長安兮徒自疲業已離
兮上都兮欣桂陽之伊邇于以泊舟于彼碕渚
誰其來迎賀賀殘吏紛綵幕兮歲蕤爛紅旆兮

綺旒弭節兮山之椒
炬火照林兮鳥驚以飛聊
逍遙以散髮兮風攪攪兮
吹衣江水駛而疾兮予既
濟其何疑行矣尚足樂兮
何必眷眷兮懷歸出處不
自謀兮樂天知命兮先哲
是希

春望賦

欣麗日之方酣聊登高以游目
穀雨始晴兮濯濯樹容之新沐
遠水蕩漾麴塵浮綠鳩鳴拂羽
鶯集珍木衆花敷兮錦幃張雜
以青林兮一何斑駁草芊眠兮
碧滋牛布野兮散牧女執筐兮
採稚桑接柔枝兮手如玉俚歌
相和何譜何曲

行者坐者去者復者感陽熙熙其氣可掬
鬱子望之止茲何區區而齷齪有若丹禁日長萬機
多簡感韶光之駘蕩時登覽乎飛觀羯鼓聲高
紅杏齊綻望神州之麗景宸歡洽兮玉觴滿此
則春望之富貴也彼王孫與公子結豪友以尋
芳後乘載妓齒袂紅裳隨所駐兮鋪筵吹瑤管
爭吸玉簫望紅綠之如織擡醉眼以倘佯此則
春望之奢華也有羨婦人兮守空閨別宮子兮
千里恨音塵之迢遞情搖搖其若水望溱鸞之
雙飛倚雕欄而流淚此則春望之哀怨也故人

李程國會卷一
遠遊兮送將行雨滛輕塵兮柳色青三疊歌闋
別馬嘶鳴登崇丘兮望行色烟花掩葺兮蕩情
此則春望之別振也至若征夫邈寄乎關山見
邊草之再榮逐客南遷乎湘水望青楓之冥冥
莫不翹首延行拖恨怛怛此則春望之羈離也
吾知夫夏之望兮拘於蒸暑秋專蕭瑟冬苦凝
閉茲三者之偏兮若昧變而一泥唯此春望隨
物曰勢或望而和懌或望而悲悵或望而歌或
望而涕各觸類以感人兮紛萬端與千緒若隴
西子者何為哉醉而望也樂醒而望也哀窮而

望則雲霧塞達而望則天日開可以喜則喜可
以悲則悲誠能遇境沿機與物推移而不可以
一揆測知者乎

陶甕賦 并序

予蓄瓦甕以酒不渝味甚珍而愛之且有
所況為賦以興之

我有小甕非鍛非鑄火與土以相熬落地埴而
乃就頸癭腹臄觜脣侏笙味譬之瓠則無耳有耳
謂之甕則擻口甕小曰甕不磨而光如漆之黝何
金皿之是珍雖瓦器其不陋適重輕以得宜合

提挈於一手價甚賤而易求雖破碎其曷咎盛
酒幾何未盈一斗滿軌斯罄虛則復受由陶熟
而且精故不倫而不漏由旁通而不咽能出納
乎醇耐由能出故不傾不覆由能納故貯酒斯
續顧一生之攸盛羌難算其幾斛類君子之謙
虛秉恒德而不惑嗟小人之徇財昧斗筭之局
但以有涯之量趁無窮之欲積不知散猶謂不
足小器易盈顛沛是速予置斯罍於座右戒滿
溢而自勗庶揣分而循涯儻全身而持祿

古律詩

呈張侍郎自牧一百韻

世家流慶遠我丈稟靈殊爽露凝瓊樹寒水映
玉壺名聲驚霹靂震胃臆貯江湖門繼清廉鑄張鑄
朝登質直醕張醕雪中松性古天上桂枝孤瑞夢
曾徵鳳張鳳驚明時敢憶鱸張鱸馮唐方見遇張馮顏氏舊
如愚帝室誇三鏡明堂寶六瑚彤霄循北拱蒼
海聳南圖演誥唐麻上分儀漢絕隅公為禮部沐芳
承湛露縱轡驚長衢酒膽鍾星白忠誠折檻朱
輜人才落落好士樂愉愉憶昔初投刺相迎似
合符黃綠近羨王想像置生菊投轄清何辱舍

杯氣益麤 慶囊容趙客 橫氣試齊巫 佳樹旌幢
卓名花錦繡 敷但欣青眼 眇何倩翠眉 姝時不
至文挾曹劉 髓詞窮屈宋 腴芳醪斟石 凍異味
雜山膚門客 三千忝詩籌 一百輸瓮邊 眠畢卓
堂上宿淳于 大冶鎔頓鑛 洪溟納細汗 再來增
款密歡笑 益姁媮極辯 馳黃馬遺篇 詠白駒時有
薦達枉聯東 野句頻倒伯 倫觚吟榻 薰風散歸
程晚霧紆 醉誇攀學士 驕不避金吾 意已黃金
重情難白骨 渝雄詩三絕 在聖草十行 俱公以
贈詩 擬作家傳實 唯懷鬼棄 虞艷粧 欺友倩絕

辟倒嘉暮荷 重猶投李 酬甲合覆瓿平上 蹇子
誠醒齷賦 命實崎嶇 寒谷生冰 子衰衣著 腐儒
癡龍殊未辨 乾兒謾相沽 醜質慙康 執銛鋒謝
港廬北宮 慙駕薰南 郭望吹竽 闕里攀龍 鳳春
官戰虎 軀一鳴方 駭世十影 擬過都左 相曾邀
飲文相國持名子 寧王許醉扶寧仁僕名子飲
之玉顏羅密座 琮膳出豐厨 夜飲長侵曉 朝吟
勤及脯 牡丹園上 醉楊柳 陌邊驅 晚落蟠泥 困
那堪撫劍 吁道長 猶恐泥泉 涸自難濡 絃絕何
由續 墻頰肯可 圻同門 皆振翻 唯我尚 搶揄故

故容顏改垂垂歲月徂六身催倒亥三足未留
烏心思如懸柿功名劇守株愁期千日醉病廢
四方翽讒構交相扇行藏甚似拘樊蠅頑不死
市虎動成誣處處嗔投壁人人慮竊缺嘲龍多
蚯蚓龍狗幾鼯鼯鬱鬱同平子申申愧女嬃自
啼無用血渾斷苦吟鬢奔走如郵吏遷延似賈
胡杜園空費望陶徑想應燕擬脫嬰身網歸安
曳尾塗灌畦常擗楮鼓缶樂鳴鳴南去將經楚
東遊遂極吳帶荅聲叟結學圃小人須船尾抄
雲子江頭種木奴飲河盈臆腹跳井沒蛙跼天

地為遊子烟波作釣徒翻思神聖代何忍草萊
逋佩潔紉芳蕙巢寒戀碧梧操修憐汲直夢想
對高俞身世煩窺鏡生涯倦織絢出言雖切切
迴眼例肝肝竹實談雞鶩椿年語蟋蟀自嗟遭
世脫人道與時迂雷雨初驚後乾坤可滌無死
灰期復煇病樹會重蘇器識雖云淺心肝要欲
剗不才堪搨朽高論孰噓枯幸感賢知己常稱
一鄙夫衣冠將飾越脂粉強粧嫫有玉深藏擯
為金好躍爐波臣如得水凋客豈無珠曩阻樞
衣禮時方曳履趨琴僧折簡名

時能

笙客備

墻呼

鄰有吹笙
容呼之

話舊元無倦論文亦頗娛鼻漫

逢匠石背癢得麻姑始末如深遇麋捐有薄軀
每承親昵昵罄寫意區區小隱何人到端居十
日踰曉霞紅綺散夜雪白氈鋪冷火空頻撥寒
醅孰與斟虛堂無客位幽室學僧趺忽憶參商
別潛悲楚越逾仰風滋眷戀回首亮踟蹰苦欠
奉書鶴欲為趨藻覓試歸如會面不敏敢逃誅
孟浪詞雖拙公無笑嚼嚙

次韻尹司儀世儒見贈坐上作

三鳥報書晚六龍驅日忙清都空縹緲浮世謾

彷徨鄭野猶爭鹿揚鄰苦覓羊一生愁幾斛萬
事淚千行案有叅同契囊無不死方自猶稱短
李人競笑顛張瘦怯菱花照愁貪竹葉香醉鄉
歸路坦宦海怒濤狂日月舍杯外風塵撫劍傍
世情渾閱盡子意獨難忘寢食雙形影窮通一
肺腸五年同晝夜四序共炎涼君系生關尹吾
宗起伯陽神交久已泯末業復偏長榻具初來
訪塵巾掃未遑出門看王立入室喜蘭芳摘藻
爭揮筆乘酣不筭觴呼盧袁子服二人俱飲酒
阮生喪傍客應相笑中懷固叵量齋窮今歲律

物挑好春光佳節行將近流年但可傷人生行
樂耳相見醉千場

吳德全東遊不來以詩寄之

吳世才
字德全

海山東去路悠悠一落天涯久倦遊黃稻日肥
雞驚喜碧梧秋老鳳凰愁烟波不返遊吳棹雪
月期浮訪剡舟聖代未應終見棄莫思垂白釣
清流

江上偶吟

袞袞長江流向東古今來往亦何窮商船截破
寒濤碧漁笛吹殘落照紅鷺格斗高孤岸上鴈

謀都寄稻畦中嚴陵舊跡無人繼終抱烟波作
釣翁

江南舊遊

結髮少年日輕裝寄漢南水州一
名漢南乘閑頻劇飲
遇勝輒窮探水共魚相樂花先蝶自貪種荷看
露鞞愛月訴雲含柳翫陶潛五杯傾太白三仙
姝爭自媚笑臉最憐飲纖玉哀彈妙流波注視
堪金釵嬌不整羅袖弱難堪縹帙披琴譜紋揪
闌手談鸞春詩思暢雞曉醉眠酣久住民風熟
佳遊客意甘江山無盡麓聲色幾年耽往事渾

成夢何時更理驂湖州去何晚杜牧得無慙

寒食感子推事

衆鱗化雲雨一蛇不與爭未見息波潤反為燥
炭烹綿山山上火已忍焚人英胡不放神骸焚
滅千載名遂使後代人聞名輒傷情每至百五
辰萬屋禁烟生不及炎岡日一勺江水清

題晉秀才別墅

聚冠堂
隸業

龍山橫枕城西角斗起奔來一峯綠下有幽人
數間屋昂首神虬軒半腹盛夏人人厭蒸溽獨
此清涼如可掬莫笑樊侯貪種木主人好滿園

梓溲行可斲春耕秋種富蔬藪檜木三年薪亦
足門前路細盤蛇曲臺上石差頽豹伏不出人
間自幽獨養性堪學龜巖六雪色紙窓紅日燭
萬帙縹編宜可讀白面學子魚聚族橫絰鼓篋
此為塾唯根園無水漱玉未協冠童春暮浴晝
地成河那可學剌山出泉知有孰安得長梯萬
丈矗直注天潢亘相續

憶吳德全

心將萬里長雲遠淚逐空庭密雨零一別君來
誰與語眼中無復舊時青

李亦園集卷一
十五
贈覺禪老

高擲雲間鉢，輕浮海上杯。
敲床二席吼，呪鉢一龍來。
水檻青煙濕，風巖翠霧開。
予非陶靖節，蓮社日遊陪。

秋送金先輩上第還鄉

射策登高第，騰裝返故鄉。
春同鷲出谷，秋共鴈隨陽。
落日愁行色，孤烟慘別腸。
明年會相見，好去莫露裳。

詠筆管

憶爾抽碧玉，孤直挺寒林。
風霜苦不死，反見鋒

刃侵誰將獨，夫手刻出比干心。
為汝欲雪憤，當書直言箴。

詠忘

世人皆忘我，四海一身孤。
豈唯世忘我，兄弟亦忘予。
今日婦忘我，明日吾忘吾。
却後天地內，了無親與疎。

重遊北山二首

俯仰頻驚歲，屢更十年猶。
是一書生偶，來古寺尋陳迹。
却對高僧話，雀精半壁夕。
陽飛鳥影滿山秋，月冷猿聲幽。
懷壺鬱殊難寫，時下中庭信。

步竹

得僅毫釐喪似崖卜年檻籠困徘徊如今逸鶴
知誰繫粗慰驚猿遲我迴塵世舊顏風拂盡烟
溪新隱月迎來山僧莫問還山意寸草浮名安
用哉

龜山寺璨師方丈十五夜說月以詩律

翰君一百篇為韻予得律定

夏春足雲霧說月未可必秋初餘暑熱秋晚過
蕭瑟獨是中秋中涼不至淒慄掃碧天更高纖
靄不侵軼負此最宜辰更無堪說日月亦若驕

於踊躍凌空出澄澄玉鏡圓漱漱金波溢請君
倒觥船清景不可失先眠罰因嚴酒席豈無律

次韻璨師

咄咄浮生隙駟馳病於杯酒老於詩誰將明鏡
來相照珠在皮膚自不知

晚望

李杜嘲笑後乾坤寂寞中江山自悶暇片月掛
長空

寓古三首

禱天求聖人天不雨孔氏鑿地索賢人地不湧

李杜遺集卷一
顏子聖賢骨已朽有力未負致奈何今之人賤
目唯貴耳徒生青史毛糟粕例自嗜不識今世
士亦有聖賢器後來復視今攀企亦如此
吾觀萬物生造化空自勤徒生楚茨蔓徒產荆
棘繁不使指倭草迤引榮其孫遂令天下士邪
正久未分
大禹理洪水未平人心險暱興生狂瀾萬人平
地墊

天壽寺門

連天草色碧烟翻滿地梨花白雪繁此是年年

離別處不同送客亦銷魂

詠桐

漠漠陰成幄飄飄葉散圭本因高鳳植空有衆
禽栖

梅花

庾嶺侵寒拆凍脣不將紅粉損天真莫教驚落
羌兒笛好待來隨驛使塵帶雪更粧千點雪先
春偷作一番春玉肌尚有清香在竊藥恒娥月
裏身

題九品寺

草暗工防路苔頽不避門松風夜響谷山氣曉
蒸軒林巢猿搖落巖泉鳥浴渾居僧偏好事贊
道閣名園

次韻梁校勘寒食日邀飲

杏花齊拆暮春晨正是長安鬪卯辰杯酒不知
歲火日醺醺猶遣暖加人

望南家吟

南家富東家貧南家歌舞東家哭歌舞何最樂
賓客盈堂酒蕪斛哭聲何最悲寒厨七日無烟
綵東家之子望南家大嚼一聲如裂竹君不見

石將軍日擁紅粧醉金谷不若首山餓夫清名
千古獨

醉歌行贈全履之

日無脛又無翼胡為劫劫飛走不少息日來日
去暮復朝使我鬢髮如銀顏如墨吾欲東走扶
桑省日上西入濛記觀日匿日上時遮攤金烏
拉翼墜日匿處牽挽羲和使沉醉是時日未行
留待羲和醒酒為生翅三百六十日三千一百
年作一千年使我兩頰更赤雙髮玄日換美酒
醉倒放顛狂問君能有許多錢

石竹花

高肖此君高花開兒女豔飄零不耐秋為竹能
無濫

柳怨長句三首

露禪烟依無恨思絮狂絲亂不勝春其如南北
東西路惱殺古今來往人
蘇娘宅畔宜相見湯帝堤邊不忍看自綠人意
有分別彼此春光恁一般
好事春風歲歲迴無端吹綠柳條新部門一見
腸猶斷何況情人折贈春

李先輩陽下第東歸以詩慰之

君不見羿妻竊藥奔月裏羿不得詰誰詰之無
奈先生筆有舌嘲弄風月無休時因笑仙娥盜
壻物忍背佳耦為孤嫠詩成乃被天所取飛出
月脇娥先窺與君欲釋憾矯天之命不贈桂一
枝仙娥此罰天已斷更待明年猶未遲

次韻東臯子用杜牧韻憶德全

歸去追彭澤佯狂憶翰林一心山色古雙溪
痕深鸞目漫多思鴈天空寄音每逢詩酒會誰
與放高吟

奇尚書林塘次古人韻

占斷千年地新開一洞仙
池清鋪淨練筍逆走
在鞭鸚鵡窺籠語鴛鴦
枕岸眠炎光九十日何
日不秋天

次韻崔老育才見寄

海村曾卜等雙鬢
雲飄然舉白頻中聖燒丹學
上仙床鋪斲竹簟
琴弄岱絲絃相憶數千里蟾
輪幾缺圓

贈敘師

青山萬里挂筇行
餘事能詩繼二清
雙眼曉隨

溪水碧一身秋與嶺雲輕
繞床庖乳獐風散入
鉢龍蜿白氣生本欲避人人
自識他年僧傳肯
逃名

東國李相國全集卷第二

古律詩

七月七日雨

銀河杳杳碧霞外天上神仙今夕會
 龍梭聲斷夜機空烏鵲橋邊促仙馭
 相逢才說別離苦還道明朝又難駐
 雙行玉淚洒如泉一陣金風吹作雨
 廣寒仙女練帔涼獨宿婆婆挂影傍
 妬他靈匹一宵歡深閉蟾宮不放光
 赤龍下濕滑難騎陶安公七月七日騎赤龍上天青鳥低
 霜凝不飛王母使青鳥至天方向曉
 沆可霽恐染天孫雲錦衣

醉中走筆贈李清卿

去年園上落花叢今年園上依舊紅唯有去年
花下人今年花下白髮翁花枝不減年年好應
笑年年人漸老春風且暮又卷歸愜勿對花還
草草我歌君舞足為歡人生行樂苦不早顛狂
不顧旁人欺要使千鍾如電醕君不見劉郎飲
酒趁芳菲解道風情敵年少又不見東坡居士
簪花老不羞醉行扶路從人笑古來得意只酒
杯莫辭對月傾金罍榮華富貴一笑空請看魏
虎銅雀臺

過迤福亭

憶昔明皇遊幸日龍舟錦纜髮江湖勸歡仙妓
迴眸笑被酒詞臣倒腋扶自古窮奢難遠馭幾
人揀舊叢長吁頽堤不見滄濤拍複道渾成碧
草蕪羅綺飄將雲共散笙歌換作鳥相呼箇中
殷鑒分明在莫遣遺基掃地無一作請見遺基半有

夏日即事 二首

簾幕深深樹影迴幽人睡熟鼾成雷日斜庭院
無人到唯有風扉自盪開
輕衫小簟卧風櫺夢斷啼鴉三兩聲密葉翳花

春後在薄雲漏日雨中

老巫篇 并序

予所居東隣有老巫日會士女以謠歌狂
各聞于耳予甚不悅歐之無回會國家有
勅使諸巫遠徒不接京師予非特喜東家
之淫汰寂然如掃亦且賀京師之內無復
淫詭世質民淳將復太古之風是用作詩
以賀之且朋夫此輩若淳且質則豈見黜
于王京哉乃反託淫巫以見擯斥是自招
一也又誰咎我為人臣者亦然忠以事君

則終身無尤妖以惑衆則不旋踵見敗固
其理也

昔者巫咸神且竒競懷椒糝相決疑自從上天

繼者誰距今漠漠千百暮盼彭彭直禮茲謝羅靈

山路窺又難追山海經云天門日月所入有靈

謝巫羅七沅湘之間亦信鬼荒淫譎詭尤可嗤

海東此風未掃除女則為覲男為巫自言至神

降我軀而我聞此笑且吁如非文中千歲鼠當

是林下九尾狐東家之巫衆所惑面斂鬢斑年

五十士女如雲履滿戶磨肩出門駢頸入喉中

細語如鳥聲，呬無緒，緩復急，千言萬語，幸一中駭女癡，男益敬，奉酸甘，淡酒自飽，腹起躍，騰身頭觸棟，綠木為龕，僅五尺，信口自道，天帝釋，皇本在天上，肯入汝屋，處荒僻，丹青滿壁，畫神像，七九九，曜以標額，星官本在九霄中，安能從汝居，汝僻死生禍福，妄自推其能，試吾橫氣，機聚窮四方男女，食棄盡天下夫婦衣，我有利劍，凜如水，幾迴欲往，還復止，只因三尺法在耳，豈為其神能我，崇東家之巫，年迫暮朝夕，且死，那能久，我今所念，豈此爾，意欲盡逐滌民宇。

君不見，昔時鄴縣令，河沉大巫使，絕河伯娶，又不見，今時咸尚書，坐掃巫鬼，不使暫接虎，此翁逝後，又寢興醜鬼，老狸爭復聚，敢賀朝廷有石畫，議逐群巫，辭切直，暑名抗牘，各自言，此豈臣利誠國益，聰明天子，可其奏，朝未及暮，如掃迹，爾曹若謂吾術神變化，恍惚應無垠，有聲何不鏘，人聽有形，何不緘，人敗章冊，陳朱猶謂幻况，道曹難思，身携徒挈，黨遠移，徒小臣為國誠，自喜游帝城，便清淨，瓦鼓喧聲，無我耳，自念為臣儻，如此誅流配，貶固其理，我今幸是忘

且晦得接王京無我駭凡百士子書請紳行身
慎勿近淫怪

戲友人病酒未起

我是老醫能診病誰為祟者必趨神鵝黃五斗
晨輕脈此藥傳從劉伯倫

次韻惠文長老水多寺八詠

柏軒

高卓蒼幢拂半天小軒人靜散濃煙根盤不惜
青苔色磬破團團上砌錢

竹閣

過簷修玉兩三叢敲戛聲高小閣風忽悟青青
直法性齊腰雪重立庭中

石井

輓轡聲斷睡寒虬石罅狂噴自在流水性人心
苦無垢不須憑仗月輪秋

秋故

荷池

幽禽入水擘青羅微動方池擁蓋荷欲識禪心
元自淨秋蓮濯濯出寒波

盆池

湖池空有去來潮打岸無端破寂寥爭似淺清
盆底水只栽蘆葦聽蕭蕭

松徑

落葉紛紛掃去稀一條紫屈接雲微替人幸有
蒼髯叟禪老何煩送客歸

南澗

潺湲界出翠巖根閑裏奔忙靜裏喧好在琉璃
澄碧色歸來何日洗心煩

西臺

擬窺弱水下崔嵬却等凌雲萬丈臺可笑東坡

癡澁老三山空說近東萊

飲家園薔薇下贈全履之

去年方種花得得君適至兩手揮汗泥對酌徑
雲醉今年花盛開君又從何來花於子獨厚豈
有前債栽種日猶舉酒况復繁開後此酒君莫
辭此花不可負

次韻尹學錄春曉醉眠 二首

三杯卯飲敵千藥一枕春眠直萬金莫遣黃鸝
啼傍耳夢魂方向玉樓尋

睡鄉偏與醉鄉隣兩地歸來只一身九十日春

都是夢夢中還作夢中人

訪足庵聆首座

一徑松陰訪足庵
曉風吹帽任款簷
青山繞屋雲生榻
碧樹低窓露滴簾
食罷仍傾霞液酒
醉餘還置水精盃
此生何處開眉笑
贏得今朝四事兼

聆公見和復次韻答之

占斷巖根結小庵
薜蘿綠壁掛茅簷
晚涼新月偏窺戶
夜靜清風自卷簾
山味好烹龍耳菌
僧筵不用虎形鹽
茶談未罷還浮白
蒲酒中間闌

燠兼

遊家君別業西郊草堂 二首

春風扇淑氣朝日清
且羨駕言往西郊
塋壟錯如綺土既膏
且腴况復醜潭水
歲收畝千鍾足可釀醇旨
何以度年華日日花前醉
念此任耽手意欲親耘耔
乘輿自忘還岸幘聊徙倚
遠岫煙蒼茫耀靈迥
漾汎月明返田廬醉歌動隣里快哉農家樂
歸田從此始

日高醉未起
簷鷲欺人飛
童僕方巾車
苦促南畝歸
起坐罷梳沐
長嘯出松扉
林深日未昃
草

露猶未晞徐行望清川
決渠雨霏霏田婦白葛
裙田夫綠麻衣相攜唱
田隴荷鋤如雲圍勉哉
趨芻杏耕穫且莫違

呈安和寺宗室王禪師

自慙冠帶人間客來對
烟霞物外身惠遠不禁
陶令飲儼公聊與習之
親冰消玉硯浮蟾腹酒
溢金卮沒鳳脣最感
皇親容惡客許教狂醉
露天真

復遊西郊草堂

初日映短霞長風卷宿霧
四望喜新晴傍林聊

散步造物固難料陰雲
忽紛布雷火掣金蛇雷
公屢馮怒兒童報我來
入郭及未雨我言天地
內浮生信如寓彼此無
真宅隨意且相住何必
戀洛塵局促首歸路換
酒傾一壺胸膈無細故
頽然卧前榮萬木蒼烟暮

聞江南賊起

自聞群犬吠高聲匣劍
無端白日鳴 闕下牽
來應有士官家何惜一
長纓

次韻金秀才懷英

壯士心懷未易論一軒
長嘯又黃昏 鼻端莫見

成風手眼底空餘泣玉痕鬱氣蟠腦難自洩狂
言到吻可堪吞青山不鎖歸歟路恨我窮途獨
叫闌

奇尚書退食齋八詠 并引

王京南脉綺里西徧搜品物之菁華
啓乾坤之肩鑄地相接於龍首嶺纒
氣上浮天正分於鷄尾墟朱芒下射
是造化兒之所未到非仁智者則孰
能居昔之草徑苔庭今則歌臺舞館
靈泉恒湧纖盞不外奔流駁柱之間

瀉落青珉之底波漱漱兮不藍而綠
聲泠泠兮勿絃而鳴既能園囿蓬瀛
又作衣冠巢許數叢涼竹依稀風雨
之天一片落英漏洩神仙之境牡丹
有三萼萼蒲生九花於是軒蓋駢闐
盃盤狼藉酌瓊樽之九醞羅玉俎之
八珍戒門下無留鄭司農之好客曰
座上恒滿孔大夫之喜賓麗日舒長
好風搖颺倚青松而岸幘環流水以
浮觴慕蘭亭禊春之遊追河朔避暑

李相國集卷二
之食謝翁韓鐵王人是令孤相公孔
思周情坐客皆昌黎儒老新荷出水
垂柳低軒紅衣錦羽之禽浮沉玉沼
緇紫綠毛之鳥膠啖金籠移真定之
甘梨蒔房陵之縹李如迎如醉如達
如跛木黨在於杜牧園若行若驟若動
若跼石駢羅於奇章野訝入巖春塢
裏似遊自雨亭前彎弓一百斤壯矣
猛夫之角力落筆三千字藹然才子
之摘華虛閣先秋深林自籟仰飛臺

而悸魄俯碧井以澄神雲鬢玉顏兮
艷鬪春花鷗絃鐵撥兮聲飛晴電人
生行樂耳羨景不飲何吾聞太白竹
溪虛作清時之逸老裴公水榭暫為
晚節之退居何如名教之場亦有道
遠之樂自公而退食好事者從遊僕
幸接芳隣屢塵清會梁鸞來往縱依
厦屋之陰海鳥眩悲徒費大年之饗
欲一染其柔翰恐厚辱於名園雖然
奇花異草兮丹青我心明月清風兮

水雪我眼物亦厚人多矣吾將闕詩
可乎若使滕閣欠落霞之篇謝池無
春草之句則青山騁絕交之議芳樹
含獻笑之容聊費一吟恭呈八詠

退食齋

命子名齋其
皆公所榜

酷暑林泉妨廟筭久纏簿領損天和唯公別占
風流地朝退時時載酒過

靈泉洞

靈派來從石竇深一條落井碎球琳愛泉真趣
那輕說賭得餘清更洗心

滌暑亭

傍簷涼竹綠陰稠繞座寒泉爽氣浮每到三庚
金伏日此亭清冷恰如秋

獨樂園

一泉寒水呼隣吸八鄰里
汲井蒲榻清風共客分在
有名園靜中樂不曾容易使人聞

燕默堂

一堂虛白映山明隱几冥觀滌世情八鳥那能
啼破寂心空萬物本無聲

連漪池

碧水無端蒲曲池新荷數朶漾連漪憑公莫憶
江湖景看取鴛鴦得意時

綠筠軒

萬樹前頭似一般誰知歲暮獨凌寒請公用意
勤封棋莫作花前舊眼看

大湖石

揚歷鴛鴦行四十年有時清夢繞雲烟從今莫起
青山想天遣荆廬落眼前

宿乾聖寺贈堂頭

一片禪心已冷灰忘言何更說西來我今免似

雲巖老彈指曾從百丈迴

同文長老訪尹學錄世儒家主入與文
公次古人韻依詩予亦次韻

甲第深深竹擁階衲衣縫掖一時來尋春共向
巖花塢八夜聊停問月杯美酒全勝吞絳雪清
篇還似讀青苔歸途應費兒童手拍笑山公倒
載迴

又和

三戟門高未易階尹家三多君不拒幅巾來甕
中有蟻催開閣壁上無蛇穩送杯七相古墳唯

李杜園集卷二
十一
碧草五侯舊宅謾蒼苔請君對月莫辭飲到海
黃河不復迴

醉書示文長老

一杯美酒如丹液坐使衰顏作少年若向新豐
長醉倒人間何日不神仙

訪李允甫次李君韻

青山猶似望松寥卷箔從教眼力勞鍛柳已甘
從叔夜賦桐翻愧贈山濤時欲提詩尹吏部不果吟兼露
葉寒蟹苦愁共陽崖白雲消趁爾投閑須痛飲
碧雲他日一鴻高

謝江南靜上人惠松扇十柄

製自心機妙烟峯落翠虬遙分萬壑籟遣作一
堂秋紺碧綾紋細爛熳玉柄脩感恩何處驗蒲
面汗渾枚

友人見和復次韻

攜宜遮鬢鶴搖訝動鬢虬團月何復夜涼風不
待秋象牙卑石虎石虎龍有象牙扇鵲翅笑塗脩拾遺
塗脩田獻丹鵲取其翅為扇但恐棄寒令先教暑氣收

七月十日曉吟有感示東臯子

騷人故多感一葉已驚秋雖云餘熱在向曉思

重裘昨日浴南澗游泳如浮鷗今朝見澗碧尚
憚臨清流時節日漸異流年道不留明日非今
日黑頭將白頭吾生如寄耳百年行欲休胡為
長首鼠去就不早謀而於方寸地鬱此無窮愁
努力勗素志唾手取公侯不然反初服力穡事
田疇歲釀百石酒一生老糟立死作松下土貴
賤同一籌

題咸校勘子真子石硯 并序

子石乃石中之石精潤可愛宜潑墨江
南人有以此作硯寄玉堂李履叟者履

叟得之輟贈咸公咸公請予作詩

君不見虎昌貞女真可憐一登蒼瀨望夫迴夫
竟不迴身漸槁化為頑石立崔嵬聞道當時抱
兒去武昌記云有女抱兒兒應驚入阿壑懷答侵土
融喪素質歲久羌難辨頸脰一夜雷公忽劃裂
中有糜石真嬰孩津津尚有流乳痕毅理瓊肌
宜覘材南人斲作蟾蜍樣題封寄與謫仙才謫
仙不忍自秘蓄輟贈芸閣文章魁謫仙此意似
難負君欲剝報宜何哉濡毫潑墨贈之詩一篇
一字真瓊瑰

謝友人送酒

邇來盃酒乾是我一家卑感子餉芳醪快如時
雨灌

全朴兩生見和復答之

區區此一壺僅若溉湯旱誰能倒滄溟向我燥
屑灌

送春吟

春向晚送將歸杳杳悠悠適何處不唯收拾花
紅歸兼取人顏渥丹去明年春迴花復紅丹面
一緇誰借與送春去春去忙空對殘花頻洒涕

問春何去春不言黃鸝似代春傳語鸝聲可聞
不可會不若忘情倒芳醕好去春風莫迴首與
人薄情誰似汝

九日無聊有作

寒花依舊滿籬黃白露叢邊空嗅香未把一杯
酬勝景重陽到我不重陽

適意

獨坐自彈琴獨飲頻舉酒既不負吾耳又不負
吾口何須待知音亦莫須飲友適意則為歡此
言吾必取

園中聞蟬二首

不敢傍高柳恐驚枝上蟬莫教移別樹好聽一
聲全

輕蛻草間遺清吟枝上嘒聆音不見刑綠葉深
深翳

月師方丈畫簇二詠

夾竹桃花

綠竹是君子紅桃真美姬天顏巧媚嫵干此凜
凜姿此君孤節苦爭肯為爾移暫時強攀附能
到雪霜隨炎涼不相保安用配君為

蓼花白鷺

前灘富魚蝦有意劈波入見人忽驚起蓼山岸還
飛集翹頸待人歸細雨毛衣濕心猶在灘魚人
道忘機立

山中春雨

雨聲偏與睡相宜一榻蕭蕭日暮時無限人間
有年喜山僧獨詫菜菔滋

春日同俠容遊

被酒行歌揚柳街長安處處草萋迷幽花泣露
落未落輕燕受風西復西撩亂春情狂似絮摧

頽醉貌兀如泥誰知白面酸寒客偷傍香車看
鬪鷄

莫答牛行

莫答牛牛可憐牛雖爾牛不必答牛於汝何負
乃反嗔牛為負重行萬里代爾兩肩疲喘舌耕
甫田使汝口腹滋此尚供爾厚爾復喜跨騎橫
笛汝自樂牛倦行遲遲行遲又益嗔屢以捶鞭
施莫答牛牛可憐一朝牛死爾何資牛童牛童
爾苦癡如非鐵牛安可支

自北山入城

塵蹤無計寄雲烟路出松門尚悵然馬足漸移
山漸遠徐行不敢努加鞭

路中間樓上棊聲

隔簾人隱映晴霽散紋枰不問手高下唯憐落
子聲

城北楊生林園賞花吟

年年花謝浪自悲直待明年花發時年年花發
又虛度粉汗紅羞悔可追賴有城北楊君家偶
此偷眼窺名花我初都無賞花意物到無心益
自嘉因思昨夜夢蝶最輕狂無奈花魂引我欲

尋芳藏葉羞顏風挽出猶憐掩抑抵紅粧君不見翰林工部醉死各何之詩酒風流留付吾儕嬉對花把酒且高歌無情風雨不肯為君留一技

後數日復遊登石臺翫月

翫月開自古古尚如此今何負古人翫月付今人今人不翫無奈與月忤月忤不復照人來我恐天地六合大昏瞽與君置酒謀翫月月若有喜撥出雲間迺知明月精萬眼懸晴光彩上射增光明若無翫月眼恐減昔時清憑君聽我翫

月詞酒盡添壺徹五更

村家三首

斷烟橫處響村春深巷無垣刺樹重萬馬布山牛散野望中渾是太平容

曉寒霜重織聲催日暮烟昏樵唱迴野老那知重九日偶逢黃菊泛濃醅

山梨葉赤野桑黃一路風迴間稻香沒井聲中人響屐柴門不鎖月鋪霜

苦寒吟

吾非孔墨賢胡為突不黔兮席不暖妻兒莫啼

寒吾欲東伐若木燒為炭灸遍吾家及四海臘
月長流汗

奉寄張學士自牧裴天院湍兼簡之庵

聆首座 并序

春卿昨與張裴兩公約訪是庵僕忽為事
幹所迫如虞芮相訟者未果下情深懷慙
忍謹以詩一首奉寄謝罪萬一

春官張學士煌煌紫鸞姿雖紆綬若若屢有尋
僧期裴公亦仙伯昂藏玉山鶴朝遊紫禁中暮
訪青山郭憶昨遇兩公鑑脚笑談同飄飄碧霞

想一念烟蘿中六眼淚同垂眷戀足庵師期遊
遠公室共舉陶潛卮何意事大謬滯留失奔赴
北望苦悄悄目與心俱注有如方瞳仙夢裏期
遊天當時喜諾唯覺後空茫然我性雖耽幽於
世不無求身如衡陽鴈未免稻梁謀倒盡天河
水難洗腦中累方趨懸箔門謾挹生毛紙遙知
一方丈鸞鳳雜龍象談道亮汪洋論文亦曠蕩
聆公支許流高行夙所仰別來冀朔周不見間
何曠今日又參差未成林下訪異時罰踈慢甘
受三百杖

路中遇雪行至安和寺呈幢師三首

朔風號怒聳肩行一路瑤塵一掬平懶拂寒衾
從蒲袂忽驚還作白衣生
巾頭髻鬢簪花色履下彭鏗踏玉聲畫得漁蓑
已陳品欲看新樣故徐行

一送春歸未挽迴至今悵望花餘哀天公惜我
殷勤意故遣狂花律外開

宗室王司空縉宮中有作奉呈

戚里唯公愛客偏名園甲第摠神仙
勻鋪綵毯疑無地聳起瓊樓便是天
紅綉佳人渾擁座紫

衣中使屢傳 宣九重恩典加千口 一日歡場

擲萬錢放鴨小池貪水景藏花寒片棄春權狂
生不是應劉輩頰玷東阿錦繡筵

興王寺見李內翰眉叟子年可十二通

詩書又能屬文使之賦詩嘆賞不已以

贈之

片雲紺髮覆額新雙電光寒猛射人彭公鑒識

真天眼撫頂云是天棋獬時彭上人
屢稱賞一編新詩風

雨快萬丈雄氣江海隘鳳子鸞雛有異毛瑤泉

玉水無九派何必王家珠樹三乃翁生君青出

李杜國集卷二
二十
藍殷勤寄謝李眉叟不如還與阿戎談

訪聆首座夜卧方丈次聆公韻二首

石徑縈紆得得過
泥杖雪訪僧家風
寒士殿
箏聲咽月白空庭
塔影斜南郭几前
聞地籟
毗耶衣上脫天花
夜深正好同成夢
我亦年來黜
睡地

足庵高寄碧巖根
師號其居銀葉燒香夜閉門

不用蓮花空作漏
飢食困卧是朝昏

呈柳承宣二首
子於門下

一樹門前李逢春
喜漸暄有心承雨露
莫謂

無言

出谷鷲猶在伍
徇漸下喬禁林期
託柳頭借一
長條

東國李相國全集卷第二

東國李相國全集卷第三

古律詩

東明王篇 并序

世多說東明王神異之事雖愚夫駭婦亦頗能說其事僕嘗聞之笑曰先師仲尼不語怪力亂神此實荒唐竒詭之事非吾曹所說及讀魏書通典亦載其事然略而未詳豈詳內略外之意耶越癸丑四月得舊三國史見東明王本紀其神異之迹踰世之所說者然亦初不能信之意以為鬼幻

及三復耽味漸涉其源非幻也乃聖也非
鬼也乃神也况國史直筆之書豈長傳之
哉金公富軾重撰國史頗略其事意者公
以為國史矯世之善不可以大異之事為
示於後世而略之耶按唐玄宗本紀楊貴
妃傳並無方士升天入地之事唯詩人白
樂天恐其事淪沒作歌以志之彼實荒淫
竒誕之事猶且詠之以示於後矧東明之
事非以變化神異眩惑衆目乃實創國之
神迹則此而不述後將何觀是用作詩以

記之欲使夫天下知我國本聖人之都耳
元氣判溷渾天皇地皇氏三十一頭體貌多
竒異其餘聖帝王亦備載經史女節感大星乃
生大昊摯女樞生顓頊亦感瑶光暉伏羲制牲
犧燧人始鑿燧生堯高帝祥雨粟神農瑞青天
女媧補洪水大禹理黃帝將升天胡髯龍自至
太古淳朴時靈聖難備記後世漸澆漓風俗例
汰侈聖人間或生神迹少所示漢神雀三年孟
夏斗立巳漢神雀三年四月甲寅海東解慕漱真是天之
子本記云夫余王解夫妻老無子祭山川亦嗣
所御馬至鯤淵見大石流淚王怪之使人轉

其石有小兒金色蛙形王曰此天錫我令偷乎
乃收養之名曰金蛙立為太子其相阿蘭弗曰
之東海之濱有地狶迦葉原土宜五穀可都也
阿蘭弗初王都子東夫余於初從空中下身
善都解慕漱為天帝子來都
乘五龍執從者百餘人騎鵠紛袪灑清樂動鏘
洋彩雲浮旖旎漢神雀三年壬戌歲天帝遣太
從天而下乘五龍車從者百餘人皆騎白鵠彩
雲浮於上音樂動雲中止熊心山經十餘日始
下首戴烏羽之冠自古受命君何是非天賜白
睨帶龍光之劍
日下青冥從昔所未眎朝居人世中暮反天宮
裡朝則聽事暮即升吾聞於古人蒼穹之去地
二億萬八千七百八十里梯棧躡難升羽翮飛

易瘁朝夕恣升降此理復何爾城址有青河青
今鴨綠河伯三女羨長曰柳花次曰擘出鴨頭
江也波往遊熊心溪自青河出遊鏘琅佩玉鳴綽約
顏花媚神姿艷麗難佩鏘初疑漢臯濱復想洛
水吐玉日出獵見目送頻留意茲昨恍紛華識
急生繼嗣王謂左右曰得而三女見君來入水
尋相避擬將作宮殿潛候同來戲馬過一畫地
銅室欵然峙錦席鋪絢明金罇置淳旨踴躍果
自入對酌還徑醉其女見王即入水左右曰大
戶遮之王以為然以馬鞭畫地銅室俄成壯麗
於室中設三席置樽酒其女各坐其席相勸飲

酒大醉王時出橫遮驚走僅顛躓王侯三女大醉急出庭女

花為王所止長女曰柳花是為王所止河伯

大怒嗔遣使急且駛告云渠何人乃敢放輕肆

報云天帝子高族請相累指天降龍馭徑到海

宮邃河伯大怒遣使告曰汝是何人留我女手

當使媒云云云云故若天帝之子欲與河伯結婚者

不肯離去乃勸王曰如有龍車可到河伯之國

下王指與女乘車風雲忽起至其宮河伯乃謂王

婚姻是小事媒贖有通法胡奈得自恣河伯備禮迎之

規何為失禮辱我門宗云云通君是上帝衛神

變請可試漣漪碧波中河伯化作鯉王尋愛為

獺立捕不待踉又復生兩翼翩然化為雉王又

化神鷹搏擊何大驚彼為鹿而走我為豺而進

河伯知有神置酒相燕喜伺醉載葦輿并置女

於輶車輶意令與其女天上同騰轡其車未出

水酒醒忽驚起河伯乃醒取女黃金釵刺葦從

竅出獨乘赤霄上寂寞不迴騎河伯曰王是

何神異王曰唯在所試於河伯於庭前水化為

鹿而走王化為豺逐之河伯化為雉又化為鷹

擊之河伯以心張樂置酒勸王大醉輿女入於小

葦輿中載以龍車欲令升天其車未出水王所

酒醒取女黃金釵刺河伯責厥女挽吻三尺施

乃貶優渤中唯與婢僕二河伯大怒其女曰改

人左綴挽女口其唇吻長三尺唯與如婢二

漁師觀波中奇獸行駭駭乃告王金蛙鐵網投

溪溪引得坐石女姿貌甚堪畏唇長不能言三

截乃啓齒漁師強力扶鄰告曰近有盜梁中魚

以網引之其網破裂更造鐵網引之始得一女坐

石而出其女唇長不能言令三截其唇乃言

三知慕漱妃仍以別宮置懷日生朱蒙是歲歲

在癸骨表諒最奇啼聲亦甚偉初生卯如升觀

者皆驚愕王以為不祥此豈人之類置之馬牧

中羣馬皆不覆棄之深山中百數皆擁衛王知

子妃以別宮置之其女懷中曰羅因以有娘神

崔四年癸亥歲夏四月生朱蒙啼聲甚偉骨表

英奇初生左腋生一卵大如五升許王怪之曰

人生鳥卵可為不祥使人置之馬牧羣馬不踐

棄於深山百數皆護雲陰之日卯上恒有日光

王取卵送恐養之卵終乃開得一男生未幾月

並實母姑舉而養經月言語始自言蠅嗜目卧

不能安睡母為作弓矢其弓不虛倚謂母曰羣

能睡母為我作弓矢其母以單作弓矢與之自

射紡車上蠅發矢即中扶余謂善射曰朱蒙

年至漸長大才能日漸備扶余王太子其心生

妬忌乃言朱蒙者此必非常士若不早自圖其

患誠未已年至長大才能備金蛙有子七人

人唯獲一鹿朱蒙射鹿至多王子知之乃執朱
蒙縛樹棄鹿而去朱蒙拔樹而去太子帶素言
於王曰朱蒙者神勇之士瞻王令往牧馬欲以
視非常若不早圖必有後患王令往牧馬欲以
試厥志自思天之孫斯牧良可恥捫心常竊導
吾生不如死竟將往南土立國立城市為緣慈
母在離別誠未易王使朱蒙牧馬欲試其意朱蒙內自懷恨謂母曰我是天帝之孫為人牧馬生不如死欲往南土造國家母在不敢自專其母云云其母聞此
言潛然投清淚汝幸勿為念我亦常痛痞士之
涉長途須必憑驢駟相將往馬閑即以長鞭撻
羣馬皆突走一馬駢色雙跳過二丈欄始覺是
駿驥通典云朱蒙所乘皆果下也潛以針刺舌酸痛不受飼

不日形甚癯却與鴛鴦似爾後王巡視予馬此
即是得之始抽針日夜屢加按其母曰此吾之
也吾聞士之妻長途者須憑駟足吾能擇馬矣
遂往馬牧即以長鞭撻羣馬皆突走一驢馬
跳過二丈之欄朱蒙知其駟驢潛以針撻馬舌
根其馬舌痛不食水草甚瘦瘠王巡行馬牧見
羣馬悉肥大喜仍以瘦錫朱蒙結三賢友其人
蒙朱蒙得之拔其針加餒云南行至淹滯一名蓋斯水
共多智鳥伊摩離陝北欲渡無舟欲渡無舟恐追兵奄及正以策
伯之甥人避難至此皇天后土構我孫子連致
舟橋言託以弓打水魚鼈浮出成橋朱蒙乃得
渡良久乘策指彼蒼慨然發長喟天孫河伯甥
避難至於此哀哀孤子心天地其忍棄操弓打

河水魚鼈駢首尾屹然成橋梯始乃得渡矣俄

爾追兵至上橋橋旋圯追兵至河魚鼈橋即雙

鳩舍麥飛來作神母使朱蒙臨別不忍睽違其

乃裹五穀種以送之朱蒙自切生別之心忘其

是神母使送麥子乃引弓射之一矢俱舉曰應

開王都山川鬱鬱歸自坐蓆絕上略定君臣位

王自坐蓆絕之上王自坐蓆絕之上咄哉沸流王何奈不自揆苦

矜仙人後未識帝孫貴徒欲為附庸出語不慎

意未中畫鹿臍驚我倒玉指沸流王容貌非常引

而與坐曰解在海隅未曾得見君子今日避帝

何其幸乎君是何人從何而至王曰庶人天帝

之孫西國之王也敢問君王繼誰之後讓曰子

是仙人之後累世為王今地方至小不可分為

兩王君造國日淺為我附庸可乎王曰寘人結

必之之後今主非神之胄強誦為王若不歸我

才乃曰願與王射矣以畫鹿置百步內射之其

於百步之外射之破如瓦解松讓大驚云雲

觀鼓角變不敢釋我器王曰以國業新造未

來我曰不能以王禮迎送所鼓角輕儀沸

汝何取乎對曰大王取佛流鼓角為王

王困於扶余誰謂大天能與物何為不取乎

於萬死之危扶余名於遠左此人往帝命而為

事不成於是扶余云王三人往帝命而為

沸流玉遣使告曰云王三人往帝命而為

鼓角色暗如故松讓不敢爭而去來觀屋柱

咋舌還自愧宮室以朽木為柱故如千歲松讓

來見竟不敢
 爭立部先後
 東明西狩時
 偶獲雪色鹿
 曰鹿倒
 懸蟬原上敢
 自呪而謂天
 不雨涕流漂
 沒其都
 鄙我固不汝
 放汝可助我
 憤鹿鳴聲甚
 哀上徹
 天之耳霖雨
 注七日霈若
 傾淮泗松讓
 甚憂懼
 以鞭畫水水
 停滯松讓舉
 國降是後莫
 子嘗
 獲白鹿倒懸
 於解原呪曰
 天若不雨而
 漂沒能訴天
 其鹿哀鳴聲
 徹于天霖雨
 七日霈沒松
 讓都王
 以鞞索橫流
 乘鴨馬百姓
 皆執其索索
 蒙以鞞
 畫水水即減
 六月松
 讓舉國來降
 云云
 玄雲暮鵲嶺
 不見山邈迤
 有人數千許
 斷木聲髮歸
 王曰天為我
 築城於

其趾忽然雲
 霧散宮闕高
 嶮嵬七月玄
 雲起鶴
 唯聞數千人
 聲以起王功
 王曰天為我
 築城於
 日雲霧自散
 城郭宮臺自
 然成王拜皇
 天就居
 在位十九年
 升天不下登
 時年九月王
 升天以下
 遺玉鞭奠於
 龍山云云
 傲儻有奇節
 元子曰類利
 得劍繼
 父位塞盆止
 人詈類利少
 有奇節云云
 少以彈破
 我盆類利大
 之其女怒而
 詈曰無父之
 兒故歸家問
 母曰我父大
 慙以泥丸彈
 之塞盆孔如
 故歸家問母
 曰我父大
 是誰母以類
 利何面目見
 人乎遂欲自
 刺類利大
 曰人無定以
 類利何面目
 見人乎遂欲
 自刺類利大
 驚止之曰前
 言戲耳後父
 是天子孫欲
 自刺類利大
 為扶餘之曰
 前言戲耳後
 父是天子孫
 欲自刺類利
 大對曰父為
 人君子為南
 土始造國家
 汝往見之乎
 母曰汝父去
 時有遺言吾
 有藏物七嶺
 不恨乎
 上之松能得
 此者乃我之
 子也類利有
 悲聲其柱
 搜求不得疲
 倦而還類利
 聞堂柱有悲
 聲其柱

乃石上之松木體有七稜類利自解之曰七嶺
 七谷者七稜也石上松者柱也起而就視之柱
 上有孔得毀劍一片大喜前漢鴻嘉四年夏四
 月奔高句麗以劍一片奉之於王王出所有毀
 劍一片合之血出連為一劍王謂類利曰汝實
 我子有何神聖乎類利應聲舉身騰空乘牖中
 曰示其神聖之異我性本質木性不喜奇詭初
 王大悅立為太子我性本質木性不喜奇詭初
 看東明事疑幻又疑鬼徐徐漸相涉變化難擬
 議况是直筆文一字無虛字神哉又神哉萬世
 之所躋回思草創君亦聖即何以劉媪息大澤
 遇神於夢寐雷電塞晦冥蛟龍盤怪倪回之即
 有娠乃生聖劉季是惟赤帝子其興多殊祚世
 祖始生時滿室光炳燁自應赤符掃除黃巾

偽自古帝王興徵瑞紛蔚蔚未嗣多忘荒共絕
 先王祀乃知守成君集蓼戒小必守位以寬仁
 化民由禮義永永傳子孫御國多年紀

草堂三詠 素琴

天籟初無聲散作萬竅鳴孤桐本自靜假物成
 擬琤我愛素琴上一曲流水清不要知音聞不
 忌俗耳聽只為寫我情聊弄一再行曲終又靜
 默莫與古意冥

素屏

君看五侯家黃金柱北斗墻壁燬丹青土木衣

錦繡坐張百寶屏仙兒互馳驟那憂冰谷寒只
詫銅山富百年歸山丘等是一丘土我有一素
屏展作寢前友素月炤我容白雲落我首翻思
天地間此身亦假受求真了無真一物非我有

竹夫人

竹本丈夫比亮非兒女隣胡為作寢具強名曰
夫人搯我肩股穩入我衾稠親雖無舉案眉辛
作專房身無脚奔相如無言諫伯倫靜然最宜
我何必西施類

自吳郎中世文家訪廣明寺文長老次

韻文公

偶尋吳質宅頻舉謫仙杯露重桐初染霜深菊
自開忽辭犀首飲為訪鳥巢來晚色猿啼送秋
聲鴈挽迴詞腸擒錦繡談舌吐風雷可恠高僧
室猶呼麴秀才

一日不飲戲作

君不見昔時周大常一年三百五十九日齋而
清又不見今時李春卿閱歲一萬八十日今日
幸而醒莫作大常妻一窺怒犯齋莫作春卿婦
醉倒不與偕彼清我在雖或異於婦均是生不

諧不如却作梁鴻妻不恥布裙與荆釵賢相敵
歡有餘舉案與眉齊

病起謝友人攜酒見訪

新沐南軒髮未晞喜聞剝啄扣雙扉學空終欲
歸甦率死何須應少微掉覺舌指三寸在撫
憐腰始一圍非飲中無復弓蛇誤羽爵那辞信
手飛

天壽寺偶書迴文二首

深庵夜寂靜談玄冷篆香殘斷穗烟心似月清
肌似鶴情情入妙養天全

秋雲斷影寒癭榻夜兩殘聲暗滴簷幽枕一燈
青地落瑟耐空檻半垂簾

畫鯉魚行

鄭得恭所畫

象魚局促無伎倆象工下筆頗相類鯉魚變化

多神奇

陶隱居云鯉魚能神
變乃至飛越山湖

非有神筆描難似

跳越滌江飛越山鐵甕整首虬翼齒雷騰電躍

那能致獨有琴高控入水一千餘斤或青文三

十六鱗皆黑誌鄭君會中江海寬養得神魚數

百尾一掃鮫綃僅十幅玄駒赤驥雜黃雉皆興

眼旁出力有硬意鬚鬚中藏篆乙字鯉目旁有
骨如篆乙

寺
我恐桃花浪拍天去入龍門燒尾歛飛起

訪外院可上人用壁上古人韻

方丈蕭然古樹邊一龕燈火一爐烟老僧日用
何須問客至清談客去眠

羣蟲詠 八首

蟾

癡姦形可憎爬齧行亦流羣蟲且莫輕解向月
宮入

蛙

無怒亦無瞋瞠然長遂腹兩部爾莫誇人將焚

牡菊

鼠

眼如劈豆角伺暗狂蹂踏任爾穿我墻陷陷皆
大盜

蝸

見人頻縮角有星解箴身莫教蠻觸戰千里血
成津

蟻

穴竅珠中度隨輪磨上奔誰知槐樹下別占一
乾坤

蛛

緣簷懸縠網，骨壁作錢窠。好趁穿針日，來細乞
巧瓜。

蠅

疾爾誤鳴鷄，畏爾點白玉。驅之又不去，宜見王
思逐。

元蟻

吐絲工騁巧，作繭及逢煎。似點還似癡，吾於汝
獨憐。

遊天和寺飲茶用東坡詩韻

一筇穿破綠苔錢，驚起溪邊彩鴨眠。賴有點茶
三昧手，半甌雪液洗煩煎。

又用東坡詩韻

道人愛深居，隱几形似木。靜坐不出門，有如凍
鼈縮。忽然聞之音，一笑響空谷。茲遊豈偶然，宿
債負幽獨。

留醉閔判官光孝家主人乞詩走筆贈
之

白雲居士今已衰，羞逐長安輕薄兒。浪効楊雄
草太奇，無人載酒肯相隨。竭來偶訪先生家，剝

全書卷三
一三
剝扣戶烏巾斜主人一笑生春溫頑冬十月堪
開花十分羨醞傾如酒蘸甲杯心撥浮蟻霞明
日色正鎔紅雨霽山光如滴翠握手論心淚海
袍人生一世何大勞作賦我嫌無狗監得官若
恨猶馬曹同是人間薄遊客相逢曷不浮大白
酒酣四顧心飛揚天地六合為之窄忽呼侍婢
鋪蠻牋請我快放詩中顛填骨吐憤吐乃已因
之留贈狂歌篇

代人書寢屏四時詞

春日

柳撚金絲颺曉風一雙閑燕語玲瓏美人睡起
心煩悶皓腕擎花吸露紅

夏日

銀蒜垂簾白日長烏紗半岸海風涼碧甯傳酒
猶嫌熱敲破盤冰嚼玉漿

秋日

騎省初驚見二毛西風一夜碧天高夢魂盡處
山重疊月苦霜寒斷鴈蹄

冬日

浙瀝風輕雪驟飄王孫不憚撿鸞篋綺筵熏暖

猶教摺不用剛添數炭燒

寒食日待人不至

百五佳辰人不來
鞦韆影外夕陽迴
杏餠麥酪
渾閒事只對梨花飲一杯

草堂詠雨二首

涵空初似飄絲細
綠雷還如掛索梢
頃刻建前
波激濫兒童聚葉學浮舟

風狂紙障濕地潤
上墻崩硯滴何須
酒簷端送
臂承

開國寺池上作

尋僧散步樹陰中
遇勝留連曲沼東
點水蜻蜒
綃翼綠浴波鷓鴣
繡毛紅
仙人掌重蓮承露
宮女腰輕柳帶風
出戲游魚休避去
躡池不必是
漁翁

賀竒樞密入相

聞公拜相倍欣然
且為朝家賀得賢
內署直來
黃閣密新堤行處
白沙連玄成作鏡
君心正傳
說調羹衆口便
草芥孤生偏踴躍
更磨頑鈍望
陶甄

呈崔秘監詵

閱世渾如夢勞生亦劇擔形慙南郭木身髮少
 陵楠一舉非雄鵠三眠已老蠶薄遊甘得得而
 視謾耽耽馬種徒空吐鴨園敢政南家思靈運
 佛生樂啓期男酒味愁偏識人情老漸諳今朝
 逢舊友終日倚高酣鳳穴毛新好嗣子宗梓蝸
 廬訪可慙醉看紅蠶筆出逐紫鸞驄時崔君作
 往其破袖懷毛紙高門殿玉簪蘭誇庭下秀珠
 媚掌中貪指言崔家諸子杜詩薰倚怜他玉青
 深愧我藍孰驚王粲至空與阿戎談酒席初迴
 燭霜盤細剖柑貪雖冰子冷言作蜜翁甘說古

誠無惡論今亦頗叅談天終八八入道後三三
 漸及觥籌筵選正席支函選明如一謁文字更
 相耽

重憶吳德全

不見吳季重于今四五年欲飛身久翼相憶眼
 成泉

得南人所餉鐵瓶試茶

猛火腴悍鐵創作此頑硬喙長鶴仰碩腹脹鮐
 怒逆柄似蛇尾曲項如鳧頸瘦窪却小口翻安
 於長脚昂我無文園才徒得文園病唯思喫酪

奴已止中酒聖雖無楊江水幸有建溪茗試字
平頭僕敲汲寒水井塲爐手自煎夜閣燈火烟
初如喉聲哽漸作笙韻永三昧手已熟七勳味
何並持此足為樂胡用日酩酊

六無奈何

無奈綠楊何依依傷杏花伴旗搖酒店妬舞拂
倡家雨後難勝鞦韆風前自任斜趁春如未賞時
節急蹉跎

無奈芳草何王孫恐未過踏歌偏感慨闌戲競
宣譚翠毯兼烟暖青裙夾道斜趁春如未賞何

虞詭繁華

無奈紅杏何芳園惱意多露葩堆淚血日萼損
顏酡今日花盈樹明朝子滿杯趁春如未賞抱
恨可從他

無奈紅桃何嫣然竹外斜滿枝繁洒血映樹自
蒸霞影拂尋仙路香分擇婿車趁春如未賞風
雨落泥沙

無奈李花何空庭折雪葩最憐同姓木還有去
年花綠葉初相映瓊姿恰倍加趁春如未賞樂
事向誰誇

無奈櫻桃何那堪着地多無情鴛擺落有信蝶
來過細葉微藏帶繁花逆壓柯趁春如未賞零
落謾長嗟

梁閣校見和復用前韻

無奈綠楊何在風舞亂花翠烟南北路落日兩
三家密葉藏暑暗柔條掠馬斜趁春如未賞衰
鬢已蹉跎

無奈芳草何流年恰恰過生池冷宛轉藉地醉
喧譁細露溥溥滴輕風獵獵斜趁春如未賞寂
寞老京華

無奈紅杏何夕陽幾恨多嬌含芳意醞偷學醉
腮醜欲使花尊樹應遜了滿柯趁春如未賞造
物亦嫌他

無奈紅桃何門前映柳斜路迷金谷障天失赤
城霞舞妓簪雲髻遊人走鈿車趁春如未賞芳
臉易埋沙

無奈李花何輕盈綴軟葩誰留千片雪或作十
分花為愛玉顏豔更無紅粉加趁春如未賞年
少那時誇

無奈櫻桃何濃香特地多盈枝幸未落載酒有

誰過舞蝶貪芳藥流鶯撲翠柯趁春如未賞迴
首護含嗟

次韻梁閣校和潘閨春遊篇

長短依潘體

二月豔陽天獨遊心悠然飛花逐風舞飄落阿
邦邊青絲弄江柳碧繡香野田貪芳久未返細
露濕濃烟朱顏能幾時一去不復還長天萬古
碧日月悠悠懸王孫不至空春草春草無情春
自老由来樂事喜相違辜負芳時風景好東來
西去作浮雲天地騰騰六尺身帝城信義亦難
住素衣無奈化風塵君不見陳宮月依舊白三

閣繁華已陳迹後庭不見玉樹色又不見汴河
水至今流人心徒自恨柳色豈解愁榮華富貴
不須待五侯七相亦安在景公虛哭牛山中莊
靈不死公何代破除萬事酒有功安得醉卧中
山中月光鬼谷未訪嵩付與人間任轉蓬一樽
何惜與君同空山馬鬣昔王公南柯一夢已無
蹤菖蒲未掃雪霜鬢泥土忍埋龍帝雄興來長
嘯座生風壯氣擎出骨懷中本詩疊押中字猿臂將軍
便不封龍翔吏部空老翁天宮鎖門雲雨濛夜
叉守關兮不為通又聞轟磕震鼓走雷公霹靂

金華卷三 十一
掣火落半空 七星跨漢為閣道 望不得窮不
使廬仝上天 斬得蝦蟇精 及月輪繞滿 怪物後
生未知 熒惑何摧大白 何功天已喪 厥眼天道
何由行 使闡茸瓦釜雷鳴 使君子黃鐘無聲 使
嫫母蘭澤龍馨 使西施柳眉頻 青天若不喪眼
屈質胡為 方枯其形 天若不喪眼 李杜胡為 方
沮其情 歸去來手相攜 鶴背客共到 鼈頭瀛母
臺恣商羊 秘籙受丁寧 更升碧落 配星辰羽林
兵仗嚴 天軍莫學 桃源苦避 秦漁人踏我清溪
渾莫學 戎省事 思邈多生 坐殺蜚虫 羣唯願一

入紫微門 奉謁玄元太上君 一吹素籥 鼓和氣
下使萬人飲 醴粹熙熙 有如天酒 酣甘露一兀
兀渾似 衢樽醉 洗盡痛癢 入融怡 立作太古義
軒時有志 莫遂是 見子人生 安用丈夫為

譽溪草堂偶題

焚香道素 讀黃庭 竟日無人扣竹 高千首詩中
驕富貴 一張琴 上養襟 靈龍山曉霧 濃花兩鵲
嶺宵燧 遠似星前有龍首 醉夢欲回 殘月白坐
看松影 落寒廳

次韻同年文負外題甘露寺

聞君往遊碧山中手弄寒溪月盈掬欲將好句
償清債輒伴霜猿留翠麓故應詩韻轉清越獨
和松風響空谷沙頭鷺立屏中雙竹外鶴閑圖
上六遠帆一片暮何之過我天涯送鴈目白雲
斷慶霽光浮眉宙連妍烟抹綠忽憶子猷遊剡
溪緬憶魏萬尋玉屋雪眉老僧胡眼碧一榻蒲
團留客宿幽泉冷冷入耳清洗却從來箏笛俗
歸來鴻作瑤琴聲云是新翻流水曲至今夢繞
煙江清逸想飄然無迫束衣冠尚有巢由心散
人那數松江陸

暮春江上送人後有感六言

暮春去送人歸滿目傷心芳草扁舟他日歸來
為報長年三老
烟水渺瀰千里心如狂絮亂飛何況落花時節
送人能不依依
殘霞映日流紅遠水兼天闔碧江頭柳無限絲
未解絆留歸客

寒食

龍騰駢脅若虵死焚骸士谷食慰其魂九泉蒙
底利

飛花

滿空搖蕩千千片飛落長安幾許家若也黏他紅苗袖風流稱汝侍為花

遊址山

重峯複嶺翠磨空路入招提一線通信步從教巾墊雨郭林宗事閑冷不覺笙歌風山花染出燕脂爛野燒橫束漢幟紅三尺樵童吹葦笛大平都在此聲中

明日將還用古人韻書壁上示主人

挽袖留云切趨塵意不同雖然微雨濕猶有敗

天公

次韻尹國博威見予詩文以詩寄之其

序目予為謫仙予拒之

目我天仙徒慰耳勉粧嫫母豈成妍逢人輒必言皆爾不亦多哉李謫仙

次韻文長老路上相逢口占

無官無寺兩闲人路上相逢撫掌頻撫掌意深誰會得夕陽無語立街塵

題畫虎

已是非真態猶存可怕威小雀畏死鷄斯言其

亦幾

奇尚書宅賦羨人鸚鵡

粲彼能言鳥誇於解語花與君來貴宅受嬖孰為多

鸚鵡最善導客來公又令賦之

語語尚堪聽玲瓏豈不明知公偏喜士最善客來聲

矮松

為草希芝蘭為鳥慕鸞凰憐汝矮且小意若大而長雖生瓦縫間尚學松蒼蒼若更觀甬性當

頃待嚴霜

無官嘆

常無官常無官四方餬口非所歎因免居閑日
道難嗚噫人生一世賦命何酸寒

食朱李

殷王爛盈盤一吞已不厭猶忌整冠嫌敢懷鑽
核念

東國李相國全集卷第三

